

稀見

三十里王女祠在縣南五十里洞門崇四尺闊三尺
因破處矣此水既白致用恐後復取爲之調給
水符詩曰爲笑使時藏之恐後復取爲之調給
亦符詩曰爲笑使時藏之恐後復取爲之調給
視符有無古人詩藏之恐後復取爲之調給
司馬維防竟無古人詩藏之恐後復取爲之調給
北五里自平陽縣界由河泉在縣西五里合渭水
來入終南山北流經韓水在縣西北流于渭沙河在縣
縣界三十五里入渭經韓水在縣西北流于渭沙河在縣
芒水在縣東南三十里出南山北流經韓水在縣西北
流入渭水在縣東南三十里出南山北流經韓水在縣
田谷河在縣南山下北流入黑水河在縣東南三十里
渭水在縣東南三十里出南山北流經韓水在縣西北

陝西通志卷之三

在縣東南三里白龍泉在縣北流
里入渭水三求女泉在縣南五里
在縣東南三里白龍泉在縣北流
頂池廣二畝餘冬夏不涸
之牛徐甲牧金井在縣南二
十五里周仙遊潭在縣西
金龍潭上有寺二黑編年
宋蘇軾遊此有詩望仙潭
可測不望仙潭在縣南
雲氣聳如鍾水經
通縣及省祖廟遇平
峩我山坊其北爲縣

黃秀文

吳平

華東師範大學圖書館藏

稀見方志叢刊



北京圖書館出版社

華東師範大學圖書館藏稀見方志叢刊
一二

黃秀文 吳平 主編

北京圖書館出版社

第十二冊目錄

(乾隆)乾州志(四卷)	(清)王瑋纂修		一
(乾隆)廣西府志(卷一至卷十八)	(清)周埰修	李綬等纂	四四一

乾州廳誌序

三代皆封建也周禮邦國都鄙之圖職方氏掌之太史陳詩納賈輿人負版籍登民數無所謂誌者漢以後始置郡縣自是郡各有志邑各有乘

合四方之風土人情山川形
勢群萃而歸之尺幅之中凡
以使人披圖按籍不下堂階
而周知遐陬之利弊誌詎不
足重歟乾州古蠻彝地居楚
西南界連黔蜀山川險阻歷

為紅苗負固之區遐稽史冊
兵戎征伐無世無之蓋久矣
棄為不臣之土也我

聖祖仁皇帝奮武揆文遠被寰海
雖千百年數叛難服如紅苗
者亦歸款願附版圖於康熙

四十有二年始成廳治而以
司馬官其地然而瘠者其土
貧者其民愚悍者其俗蓋自
皇古以來休養生息禮制教
化均未嘗或施迄於今兵農
禮樂簿書錢穀方次第而部

署之故培養未易深教澤未
易洽也而余於是轉思夫治
乾之難也士人一行作吏民
社是司使舊章成憲班班具
在則攷前人之得失綜歷代
之興衰曰而增損之率由之

其為治也不勞而成若夫乾
則未有是也況其土俗民情
迴殊於中土者乎出一政惟
恐不宜其俗發一令惟恐不
順其情柔則虞其玩也剛則
慮其激也以言乎休息而氣

候燥濕土穀方產未之或悉
則惠養鮮有當也以言乎捍
圍而邊城軍械地道險夷未
之或詳則機宜未可籌也然
則非有以斯土斯民為己任
者起而証今考古著為成書

簡命承乏兵巡下車之始各郡
垂諸奔襪而昭茲來許其曷
以治余自乾隆之二年恭膺
邑多以輿圖誌書進而乾鳳
永三廳獨無余正愀然於苗
疆風尚習俗之殊而思與變

易調劑之無據也未幾而永
綏誌成余既已嘉之一日乾
州司馬王君瑋以公來謁於
余相與採風問政周諏商確
王君作而言曰乾州瀾未久
向無誌今且纂輯舊聞搜羅

憲典創為誌者凡四卷行將
脫稿矣余聞之不禁欣然喜
王君之真能以斯土斯民為
己任也閱數月而誌成并以
請序於余、為翻閱數過凡
乾之山川疆域土俗民情上

自師田學校下及草木昆蟲
釐然畢備誠一代文獻之可
徵也而其尤足異者其得諸
古也必參伍異同而揅其真
其採於今也必辨別可否而
衡其是不撫拾無稽而流於

月
誕不敷摘華藻而失於浮每
於風俗人心之所關政治世
教之所係或興焉而未力行
或除焉而未盡革者無不競
競寓法戒之思反覆三致意
焉嗟々王君之為是編也其

事創其心苦矣後之君子得
由是而增損時宜率由舊典
所以厚此土富此民齊此方
之風俗使返悍而歸醇化愚
而為智者漸摩教養尋臻上
理是則余之所厚望也夫

乾隆四年孟秋月分巡辰永
沅靖兵備道商邱揚輔臣撰